

ხელშეკრულება №35120211/04/12-3

ქ. თბილისი

2 აპრილი 2012წ.

დაიდო, ერთის მხრივ სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“ (შემდგომში „შემსყიდველი“) გენერალური დირექტორის ნატო ავალიანის სახით და მეორეს მხრივ, ს.ს. „მ. იაშვილის სახელობის ბავშვთა ცენტრალური საავადმყოფო“ (შემდგომში „მიმწოდებელი“) დირექტორის შოთა ჯოგლიძის სახით „0-6 წლამდე ასაკის ბავშვთა გლობალური განვითარების ხელშეწყობა“ მომსახურების შესყიდვაზე.

1. ხელშეკრულების საფუძველი

1.1 "იმ სახელმწიფო პროგრამების/მათი ღონისძიებების/მოცულობების განსაზღვრის შესახებ, რომელთა განხორციელებაც სახელმწიფოს მიერ 2011 წელს ნაკისრი ვალდებულებების შესასრულებლად უწყვეტად გაგრძელდება საქართველოს შრომის, ჯანმრთელობისა და სოციალური დაცვის სამინისტროს სისტემაში განსახორციელებელი 2012 წლის შესაბამისი სახელმწიფო პროგრამების დამტკიცებამდე ან/და „სახელმწიფო შესყიდვების შესახებ“ საქართველოს კანონის მოთხოვნათა შესრულებამდე, ან ვაუჩერის პირობების შესაბამისად, შესაბამისი მიმწოდებლების გამოვლენამდე" საქართველოს მთავრობის 2011 წლის 27 დეკემბრის №492 დადგენილება.

1.2 „სახელმწიფო შესყიდვების შესახებ“ საქართველოს კანონი.

1.3 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ სახელმწიფო შესყიდვების სააგენტოს თავმჯდომარის N9 2011 წლის 7 აპრილის ბრძანება.

2. ხელშეკრულების საგანი

2.1 „2011 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2011 წლის 15 თებერვლის №77 დადგენილება „დაავადებათა ადრეული გამოვლენა და სკრინინგის“ პროგრამის ფარგლებში „0-6 წლამდე ასაკის ბავშვთა გლობალური განვითარების ხელშეწყობა“ (კომპონენტის) მომსახურების შესყიდვა (CPV 85100000).

3. ხელშეკრულების ღირებულება

3.2 ხელშეკრულების საერთო ღირებულება შეადგენს 18 330 (თვრამეტი ათას სამას ოცდაათი) ლარს. ლარს .

4. ხელშეკრულების შესყიდვის ობიექტი

ხელშეკრულების (შესყიდვის) ობიექტია (შემდგომში „მომსახურება“):

4.1 „დაავადებათა ადრეული გამოვლენა და სკრინინგის“ პროგრამის ფარგლებში *ჯანდაცვის პირველადი რგოლიდან გამოგზავნილ ან თვითდინებით 0-6 წლამდე ასაკის ბავშვთა გლობალური განვითარების შეფასება, მშობლის კონსულტირება ბავშვის განვითარების ხელშეწყობის, მოვლის, კვების საკითხებზე, ხოლო სკოლამდელი ასაკის ბავშვებისათვის სასკოლო მზაობის შეფასება და პრობლემების იდენტიფიკაცია, შესაბამისი სპეციალისტების მიერ (პედიატრის, ნევროლოგის, საჭიროების შემთხვევაში ფსიქოლოგის) კონსულტირება (კოდი11041):*

4.1.1. ბავშვის გლობალური განვითარების შეფასება – პედიატრიული სიმპტომების კითხვარი – Pediatric Symptoms Checklist, პედიატრიული სიმპტომების ილუსტრირებული კითხვარი (პიკ-17) , Early Language Milestone Scale (ELM skale -2); მშობლის კითხვარი PEDS, PEDS:DM, განვითარების ნიშანსვეტები, დენვერის ტესტი.

4.1.2. ბავშვის გონებრივი (ფსიქიკურ-ინტელექტუალური) განვითარების შეფასება (კოგნიტური განვითარების ნიშანსვეტები, Parents' Evaluation of Developmental Status (PEDS), Parents' Evaluation of Developmental Status: Developmental Milestones (PEDS:DM), DENVER-2

Test, რავენის, ვექსლერის ტესტი (IQ test), შფოთვითი ტესტი. შეფასებისას გამოყენებული იქნება ეროვნული გაიდლაინი " ადრეული ასაკის ბავშვთა გლობალური განვითარების შეფასება"

4.1.3.სასკოლო მზაობის შეფასება მოხდება ვარხატოვას სასკოლო მზაობის შესაფასებელი და ვექსლერის ინტელექტუალური კოეფიციენტის ტესტების საშუალებით

4.1.4.აუტიზმის სკრინინგი – სპეციალური მოდიფიცირებული კითხვარით Modified Checklist for Autism in Toddlers (M CHAT).

4.1.5.ბავშვის ფიზიკური და მოტორული განვითარების შეფასება (ჯანმოს მიერ მოწოდებული ზრდისა და მოტორული განვითარების მრუდები, სმი ინდექსის მრუდი, მოტორული განვითარების ნიშანსვეტი, PEDS, PEDS:DM, დენვერის ტესტის შეფასებისას გამოყენებული იქნება ეროვნული გაიდლაინი „ ადრეული ასაკის ბავშვთა ფიზიკური განვითარების შეფასება“. ფიზიკური განვითარების შესაფასებლად და მონაცემთა ბაზის შესაქმნელად გამოიყენება ჯანმრთელობის მსოფლიო ორგანიზაციის კომპიუტერული პროგრამა: ANTHRO (version 3.2.2, Januari 2011).

4.1.6.მშობლისა და ბავშვის ურთიერთობის შეფასება (ბრიგანსის ტესტი).

4.1.7.მშობლის კონსულტირება ბავშვის მოვლის, ფიზიკური და გონებრივი განვითარების ხელშეწყობისა და კვების საკითხებზე (გამოყენებულ იქნება ეროვნული გაიდლაინი „მშობლის კონსულტირება ბავშვის მოვლისა და განვითარების ხელშეწყობის საკითხებზე“).

4.1.8. საჭიროების შემთხვევაში სმენის და მხედველობის სკრინინგული კვლევა.

4.2. სასწავლო ცენტრის თანამშრომელთა მიერ საგანმანათლებლო სესიების ჩატარება გლობალური განვითარების ცენტრის პაციენტთა მშობლებისათვის, მათი ინფორმირება ბავშვთა გლობალური განვითარების ხელშეწყობის საკითხებზე და განვითარების მხრივ საშიშროების ნიშნებზე.

4.3. ბავშვთა გლობალური განვითარების შეფასებისას მიღებული შედეგების სატატისტიკური ანალიზი SPSS სტატისტიკური პროგრამის საშუალებით და შედეგების გათვალისწინებით სამეცნიერო კვლევების დაგეგმვა– განხორციელება.

4.4. სასწავლო ცენტრის თანამშრომელთა კოორდინირებით არსებული პროტოკოლების განახლება და ახალი პროტოკოლების შექმნა, რეფერალის კრიტერიუმების გადახედვა /განახლება, რეფერალში მონაწილე შესაბამის სამედიცინო დაწესებულებებში პერსონალის საინფორმაციო უზრუნველყოფა ცენტრში რეფერალის კრიტერიუმების და მაღალი რისკის (დღენაკლულობა, დაბადებისას მცირე წონა, პოსტრენიმიაციული ანამნეზი, სოციალური რისკ–ფაქტორების არსებობა) ბავშვის განვითარების სკრინინგის შესახებ. პაციენტთა სკრინინგით მიღებული შედეგების შესახებ გამომგზავნი დაწესებულებისათვის ინფორმაციის მიწოდება.

4.5 პროგრამაში მონაწილე ბენეფიციართა ყოველთვიური რიცხვი უნდა შეადგენდეს არანაკლებ 225 ბენეფიციარს.

5. შესყიდვის ობიექტის ხარისხი

5.1 შესყიდვის ობიექტის ხარისხი უნდა შეესაბამებოდეს „მიმწოდებლის“ მიერ სატენდერო წინადადებაში ასახულ ინფორმაციას.

5.2 „მომსახურების“ უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

6. შესყიდვის ობიექტის მიწოდების ადგილი, ფორმა და ვადები

6.1 „მომსახურების“ გაწევის ვადაა - 01.05.2012 წლამდე.

6.2 „მომსახურების“ მიწოდების ადგილი - თბილისი, მ. ასათიანის ქ. 9, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.

6.3 მიწოდების ფორმა - „მომსახურების“ ღონისძიებათა შესრულება „შემსყიდველის“ მიერ თანდართული ფორმებით.

6.4 „მომსახურების“ შედეგების მიწოდების ვადა - ყოველთვიურად, მომდევნო თვის 10 რიცხვამდე.

7. შესყიდვის ობიექტის მიღება-ჩაბარების წესი

7.1 „მიმწოდებელი“ ყოველთვიურად წარმოადგენს ანგარიშს მის მიერ საანგარიშო თვეში გაწეული „მომსახურების“ შესახებ, შეთანხმებული ფორმით (ანგარიშ-ფაქტურა; ფორმა 1, ფორმა 2, ფორმა 3 თან ერთვის).

7.2 „მიმწოდებელი“ „შემსყიდველის“ მოთხოვნის შესაბამისად წარმოადგენს სრულ წერილობით ინფორმაციას „მომსახურების“ მიმდინარეობის შესახებ.

7.3 ანგარიშგების ფორმებში ცვლილებების შეტანა დაუშვებელია, გარდა იმ შემთხვევებისა, როდესაც შეიქმნება ობიექტური საჭიროება ანგარიშგების გაუმჯობესების მიზნით, ან სახელმწიფოს მიერ დადგენილი წესით.

7.4 „მიმწოდებელი“ სრულად აგებს პასუხს მის მიერ მიწოდებული ანგარიშების უტყუარობაზე. „მიმწოდებელი“ ადგილზე ინახავს ანგარიშებს და პირველად დოკუმენტაციას დადგენილი წესის შესაბამისად. საჭიროების შემთხვევაში გაცნობისათვის პირველივე მოთხოვნისთანავე წარუდგენს „შემსყიდველს“.

7.5 არასწორად, არასრულად ან არაკორექტულად წარმოდგენილი ანგარიშსწორების ფორმა უბრუნდება „მიმწოდებელს“ მის საბოლოო შესწორებამდე, ამასთან შედეგებზე იგი პერსონალურად აგებს პასუხს.

7.6 „შემსყიდველისა“ და „მიმწოდებლის“ უფლებამოსილ პირებს შორის ყოველთვიურად განხორციელდება პირველადი მიღება-ჩაბარების აქტის (ფორმა 3) გაფორმებით.

7.7 „მიმწოდებლის“ მიერ გაწეული „მომსახურების“ შესახებ ანგარიშის დაგვიანებით წარმოდგენის ან არწარმოდგენის შემთხვევაში „შემსყიდველი“ მისი სახაზინო სამსახურში წარდგენის საკითხს გადაწყვეტს განხილვის შემდგომ.

7.8 „შემსყიდველი“ ითვალისწინებს, რომ „მიმწოდებლისათვის“ სრულადაა ცნობილი დასახული ამოცანები და მათ შესასრულებლად გამოსაყენებელი ნორმატიული დოკუმენტაცია.

8. ანგარიშსწორების წესი, ფორმა და ვადები

8.1 ანგარიშსწორების ფორმა - უნაღდო ანგარიშსწორება.

8.2 ანგარიშსწორება განხორციელდება ლარებში.

8.3 ანაზღაურება განხორციელდება გლობალური ბიუჯეტის პრინციპით 2011 წლის დეკემბრის თვის ოდენობით.

8.4 ანაზღაურება მოხდება წარმოდგენილი ფაქტიური ხარჯის, შეთანხმებული დანართისა და გასაწევი მოცულობის შესაბამისად ყოველთვიური პირველადი მიღება-ჩაბარების აქტის (ფორმა 3) ხელმოწერის შემდეგ ათი სამუშაო დღის განმავლობაში, კანონით გათვალისწინებული პროცედურის დაცვით.

9. მხარეთა უფლება-მოვალეობები

9.1 „შემსყიდველი“ ვალდებულია:

9.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.2 „მიმწოდებელი“ ვალდებულია:

9.2.1. მიაწოდოს „შემსყიდველს“ „მომსახურება“, რომელიც სრულად შეესაბამება ხარისხით და სხვა ყველა მონაცემებით „შემსყიდველის“ დაკვეთას.

9.2.2. აცნობოს „შემსყიდველს“ ყველა იმ ცვლილებათა შესახებ, რაც პირდაპირ ან ირიბად ეხება ხელშეკრულებას.

9.2.3. დროულად შეასრულოს ხელშეკრულებით ნაკისრი ყველა ვალდებულებანი.

9.3 „შემსყიდველი“ უფლებამოსილია:

9.3.1 მოითხოვოს „მიწოდებლისაგან“ ხელშეკრულების ყველა პუნქტის უცილობელი შესრულება.

9.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ „მიწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგენა დაუძლეველი ძალა.

9.3.3 არ სცნოს „მიწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.4 „მიწოდებელი“ უფლებამოსილია:

9.4.1 მოითხოვოს „შემსყიდველისაგან“ მის მიერ მიწოდებული „მომსახურების“ ღირებულების სრული ანაზღაურება.

9.4.3 განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „მომსახურების“ მიწოდება ან მის წინაშე დადგა დაუძლეველი ძალა.

9.4.4 აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.5 მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

9.4.6 მოითხოვოს „შემსყიდველისაგან“ რეალური ზარალის ანაზღაურება, რაც გამოიწვია მისი მხრიდან ამ ხელშეკრულების პირობების დარღვევამ.

10. ხელშეკრულების პირობების შეუსრულებლობა

10.1 ხელშეკრულების პირობების ხალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს.

10.2 ხელშეკრულების მთლიანი ან ნაწილობრივი შეწყვეტა მხარეთა მიერ წერილობით შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.

10.3 საჯარიმო სანქციების გადახდა არ ათავისუფლებს „მიწოდებელს“ ძირითადი ვალდებულებების შესრულებისაგან.

10.4 „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, „მიწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

10.4.1 თუ „მიწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „მომსახურება“.

10.4.2 თუ „მიწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „მომსახურების“ მიწოდება სრულად ან დადგენილ ვადებში.

10.5 ხელშეკრულების ცალკეული პირობების მოქმედების შეწყვეტა არ ათავისუფლებს „მიწოდებელს“ დანარჩენი ვალდებულებების შესრულებისაგან.

10.6 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:

10.6.1 თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე.

10.6.2 თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.6.3 „მიწოდებლის“ გაკოტრების შემთხვევაში.

10.7 ამ მუხლის მე-3 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიწოდებელს“ უკვე ფაქტიურად მიღებული „მომსახურების“ ღირებულება.

10.8 საჯარიმო სანქციები რეგულირდება საქართველოს სამოქალაქო კოდექსით, „2011 წლის ჯანმრთელობის დაცვის სახელმწიფო პროგრამების ადმინისტრირების წესისა და პირობების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2011 წლის 7 მარტის №01-1/ნ ბრძანებით და სხვა მოქმედი კანონმდებლობით.

11. დაუძლეველი ძალის მოქმედება

11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

11.2 ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაუღებავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით. რომელსაც ცნობენ მხარეები.

11.3 დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.

11.4 დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. სადაო საკითხების გადაწყვეტა

12.1 „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

12.2 თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

13. გამოსაყენებელი სამართალი

13.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. ხელშეკრულების ენა

14.1 ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

15. ურთიერთობა მხარეებს შორის

15.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

16. მხარეთა პასუხისმგებლობა ხელშეკრულების პირობების დარღვევისათვის

16.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

16.2 ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

16.3 „მიმწოდებლის“ პასუხისმგებლობა, ხელშეკრულების პირობათა დარღვევის შემთხვევაში, ვრცელდება არა მარტო მისაწოდებელი „მომსახურების“ ფარგლებში, არამედ „შემსყიდველისათვის“ იმ დანახარჯების ანაზღაურებით, რაც აუცილებელი იქნება მის მიერ სახელმწიფო პროგრამის აუცილებელი შესრულებისათვის.

17. ხელშეკრულების სხვა პირობები

17.1 ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

17.2 „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

17.3 ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

17.4 ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

18. ხელშეკრულების შესრულების კონტროლი

18.1 „მიმწოდებლის“ მიერ ნაკისრი ვალდებულებების შესრულებაზე და შესაბამისად „მომსახურების“ მიზნობრივად გატარების შესახებ „შემსყიდველი“ უფლებამოსილია:

18.1.1 უშუალოდ განახორციელოს ხელშეკრულების შესრულების კონტროლი, რომელიც შეეხება ყოველთვიური „მომსახურების“ პერიოდს (ან „მომსახურების“ დასრულებულ ციკლს).

18.1.2 არ აანაზღაუროს ხელშეკრულების შესრულების კონტროლის შედეგად არაკორექტულად მიჩნეული გაწეული „მომსახურების“ ხარჯები მოქმედი კანონმდებლობის ფარგლებში.

18.2 წარმოდგენილი დოკუმენტაციის შედარება „მიმწოდებლის“ მიერ შეტყობინებისას დაფიქსირებულ მონაცემებთან და შემთხვევების შერჩევითი შემოწმების შედეგებთან (ასეთის არსებობის შემთხვევაში).

18.3 ხელშეკრულების შესრულების კონტროლის ვადაა საანგარიშგებო დოკუმენტაციის წარდგენიდან არაუმეტეს 22 სამუშაო დღე.

19. ხელშეკრულების მოქმედების ვადა

- 19.1 ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.
- 19.2 ხელშეკრულების მოქმედების ვადა განისაზღვრება: 01.06.2012 წლამდე.
- 19.3 ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.
- 19.4 ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

20. განსაკუთრებული შენიშვნები

20.1 ხელშეკრულება დგება ორ თანაბარძალოვან ეგზემპლიარად, საიდანაც ერთი ეგზემპლიარი გადაეცემა „მიმწოდებელს“.

21. მხარეთა რეკვიზიტები

„შემსყიდველი“

სსიპ „ლ. საყვარელიძის სახ.
დაავადებათა კონტროლისა და
საზოგადოებრივი ჯანმრთელობის
ეროვნული ცენტრი“
მ. ასათიანის ქ. 9
საიდენტიფიკაციო კოდი 211324351
ქ. თბილისი, სახელმწიფო ხაზინა
ბ/კ 220101222 ა/ა 200122900
გენერალური დირექტორი

„მიმწოდებელი“

ს.ს. მ. იაშვილის სახ. ბავშვთა ცენტრალური
საავადმყოფო
ფაქტიური მისამართი: ქ. თბილისი
ლუბლიანას 2/6
ს/კ 201945280
საბანკო რეკვიზიტები:
ბანკი: ს.ს. „ტაოპრივატბანკი“
ბ/კ 220101702 ა/ა 340807864
დირექტორი:




ნატო ავალიანი



შოთა ჯოგლიძე
ბ. ა.

- ვიზა:
- კ. ოჩიგავა
 - დ. მღებრიშვილი
 - ო. ნამიჭეიშვილი
 - ხ. ფირანიშვილი

შესრულებელი: ნ. დლონტი



რეგისტრაციის # _____ თარიღი _____

ინფორმაცია გაწეული მომსახურების ხარჯის შესახებ

ანგარიშგების პერიოდი 2012 წლის _____ თვე _____

დაწესებულების დასახელება _____

პროგრამა (კომპონენტი) _____

ხელშეკრულების N _____ თარიღი _____

N	დასახელება	გაწეული მომსახურების ღირებულება
1	2	3
1	შრომის ანაზღაურება	
2	საქონელი და მომსახურება	
2.1	მივლინება	
2.2	ოფისის ხარჯები	
2.3	წარმომადგენლობითი ხარჯები	
2.4.	სამედიცინო ხარჯები (ტესტ-სისტემები, რეაგენტები, რეაქტივები და სხვა სახარჯი მასალები)	
2.5	ტრანსპორტის ექსპლუატაციისა და მოვლა-შენახვის ხარჯები	
2.6	სხვა დანარჩენი საქონელი და მომსახურება	
	სულ თანხა	

დაწესებულების ხელმძღვანელი

მთ. ბუღალტერი

ბ.ა.

N	კოდი	გამოკვლევის ჩატარების თარიღი	სამედიცინო ლოკუმენტის N	პაციენტის სახელი, გვარი	დაზადების თარიღი (რიცხვი, თვე, წელი)	საცხოვრებელი ადგილის მისამართი	პირადი N
1	2	3	4	5	6	7	8

დაწესებულების ხელმძღვანელი
მთ. ბუღალტერი

ბ.ა.

აქტი

შესრულებული სამუშაოების ყოველთვიური პირველადი მიღება-ჩაბარების აქტი

სამედიცინო დაწესებულების მიერ 2012 წლის _____ გაწეულ სამედიცინო მომსახურებაზე

პროგრამა (კომპონენტი) _____

ხელშეკრულების N _____ თარიღი _____

#	ანგარიშ-ფაქტურის # და თარიღი		წარმოდგენილი სამუშაოს ღირებულება	ექვემდებარება შემცირებას		ექვემდებარება ფულადი სახსრებით ანაზღაურებას
				ლიმიტს ზემოთ თანხა	სხვა მიზეზებით დარღვევების გამო	
1	2	3	4	5	6	7

ჩააბარა

მიიღო

დაწესებულების დასახელება

ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი

უფლებამოსილი პირის ხელმოწერა

უფლებამოსილი პირის ხელმოწერა